



Publicaziuns officialas dils 09-07-2021

Damonda da baghegiar

Nr. 94/2021

Datum da publicaziun: 09-07-2021
Patrun: Vischnaunca Sumvitg, 7175 Sumvitg
Representant: Biro d'inschignier Deplazes, 7173 Surrein
Liug e parcelas: Cumpadials-Laus; 5158, 6679, 8044
Object: renovaziun stiva d'aua existenta e reservuar existent,
construcziun d'in niev indrez da filtrar arsen ed uran

Nr. 101/2021

Datum da publicaziun: 09-07-2021
Patrun: Bass Otto e Veckmans Sonia, 7175 Sumvitg
Liug e parcelas: Sumvitg-Cuntrin; 1597
Object: engrondir il paravent, colurar niev ils barcuns e las finiastras e
reconstruir niev mir e plattas sin terrassa

Nr. 103/2021

Datum da publicaziun: 09-07-2021
Patrun: Cajacob Werner e Gisela, 7012 Felsberg
Representant: Biro d'architectura Vincenz Weishaupt, 7130 Glion
Liug e parcelas: Sumvitg-Fontauna Sut; 1667
Object: construcziun d'ina casa d'ina famiglia

Nr. 105/2021

Datum da publicaziun: 09-07-2021
Patrun: Merk Werner, 8455 Rüdlingen
Representant: MONS Solar AG, 9444 Diepoldsau
Liug e parcelas: Rabiun-Tschuppina; 319
Object: niev indrez fotovoltaic

Ils profils ein tschentai ed ils plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiu da
baghegiar Sumvitg enteifer 20 dis dapi il datum da publicaziun.

Sumvitg, 09-07-2021

Cumissiu da baghegiar

Temps da vacanzas

Examinaziun dils documents da viadi

Persunas che visetan tiaras digl exteriur ein supplicadas d'examinar a dretg temps lur
documents da viadi. Per l'emissiu dils documents sto vegnir quintau cun entochen 15 dis da
spetga. Per quei supplichein nus da preparar las vacanzas a dretg temps.

Sumvitg, 09-07-2021

Administraziun communal

Annunzia electronica per l'intermediaziun da lavur

Ils 1 da fenadur 2021 ei ina revisiun dalla lescha davart la segirada da disoccupaziun en entrada en vigur. Ina impurtonta novaziun ei, ch'il disoccupau ha la pusseivladad da s'annunziar electronicamein per l'intermediaziun da lavur. Aschia relai il legislatur las vischnaucas cun ils 1 da fenadur 2021 ord l'execuziun dalla segirada da disoccupaziun.

Quei munta per las personas ch'enquoran lavur ni per ils disoccupai ils suandont:

1. Tgi che vul egl avegnir vinavon s'annunziar personal per l'intermediaziun da lavur sto da niev far quei tier la RAV regionala. Las RAV's dil Grischun anfleis vus sin www.kiga.gr.ch.
2. Da niev sa la persuna ch'enquera lavur era s'annunziar electronicamein sin www.arbeit.swiss. In muossavia anfleis vus era sin www.kiga.gr.ch.
3. Tier damondas stat nossa RAV regionala sco era la hotline pertuccont annunzias sut la numera 081 257 30 84 bugen a disposiziun.

Nus supplichein per enconuschientscha.

Sumvitg, 09-07-2021

Administraziun communal

Affittaziun habitaziuns en casa da scola Sumvitg

L'entschatta digl onn 2021 ha la suprastonza communal elegiu ina cumissiun ed incaricau quella da s'occupar cun la pusseivladad d'ereger habitaziuns ella emprema alzada dalla casa da scola a Sumvitg.

Ensemen cul biro d'architectura spacial design, Trun ha la cumissiun elaborau in preproject. Previu ein duas habitaziuns grondas per famiglias. Avon che cuntinuar cun las lavurs vul la cumissiun intervegnir igl interess. Perquei ha ella decidu da scriver ora las habitaziuns sill'entschatta october 2022. Plans, visualisaziuns ed informaziuns dallas habitaziuns sesanflan sin nossa pagina d'internet www.sumvitg.ch e sin www.newhome.ch. Interessents ein supplicai da s'annunziar tier l'administraziun communal.

La cumissiun vegn a cuntinuar las lavurs igl atun schebein igl interess per affittar las habitaziuns ei avon maun.

Sumvitg, 09-07-2021

Cumissiun habitaziuns Sumvitg

Imaginaziun

Ils 21 e 22 d'uost 2021 ha liug en la Casa Lechmann a Sumvitg la scuntrada d'art e cultura «imaginaziun». La Casa Lechmann vegn emplenida cun purschidas artisticas e producziuns musicalas. Ulteriuras informaziuns tier quei arranschament ei el program, Vossa annunzia fagei sut: www.imaginaziun.ch.

Liug digl arranschament:

Casa Lechmann, Via Sursilvana 43, 7175 Sumvitg
Nus selegrein da Vossa presenza!

Am 21. und 22. August 2021 findet in der Casa Lechmann in Sumvitg der Kunst- und Kulturanlass «imaginaziun» statt. Die Casa Lechmann wird mit künstlerischen Arbeiten und musikalischen Darbietungen bespielt. Weitere Informationen zur Veranstaltung und zum Programm sowie Anmeldung unter: www.imaginaziun.ch

Veranstaltungsort:

Casa Lechmann, Via Sursilvana 43, 7175 Sumvitg
Wir freuen uns auf Ihren Besuch!